

# JESUS OWUT OWO PHARISEE UNANA

## ESIT EKQM ESIE

Luke 7:36-50

### QYQH QKPEP-NKPQ 43

Eke Mkparawa

**IKQ IBUOT: “Mbuotidem fo ama anyaña fi; nyoñ, koduk ke emem” (Luke 7:50).**

#### Ekot Jesus Edi Udia

Owo Pharisee kiet ama okot Jesus ete edi udia ke ufok esie. Ke se nnyin ikekpepde ibaña edu uwem mme Pharisee ama ekebe, akpa nnyin idem utom inem emi enye ekenyenede ke Qboñ. Nte enye okoyom ndibiom Enye ikpe? Osuk etie nte oro edi se mme Pharisee ekesiwakde ndinam, okposuk edi ama odu ibat-ibat mmq emi ekeneñerede ema Jesus ekenyũ ebupde ebaña ukpep-nkpq Esie ke esit akpanikq. Nicodemus ekedi kiet ke otu mmq. Enye ama edi etiene Jesus onyũ obup nte ekpesañade ebq erinyaña ukpõñ; nnyin imonyũ inim ke akpanikq ite ke enye ama anam akpanikq qnq Abasi, koro enye ama añwam ke edibuk Jesus ke ema ekewot Enye ke krqs.

#### Ima Emi Jesus Enyenede Qnq Mme Idiok Owo

Edi ekpededi Simeon owo Pharisee ikeneñekede ima Jesus, Enye ama onyime ediwak ini ndisobo ye mme owo qyqh, qyqh; ñko edieke Enye okokutde ifet ndiñwam owo, Enye ikesitreke ndinam ntre, okposuk edi mme owo ekpemiomde Enye. Enye akaka ndidia udia ye mme idiok owo man Enye ekeme nditiñ nnq mmq mbaña Obio Ubqñ Abasi. Mme Pharisee ema esioño Enye ndo ke ntak oro, ekere ete ke Enye anam idem Esie edehe oro ke ndidia ñkpq ye mmq emi mikenimke ibet mme Jew emi abañade udia. Mmq ema ekot Jesus, “owo udia, ye ama mmin, ufan mme publican ye mme idiok owo.” Ikpenyene esit ekqm adaña didie ke emi Jesus ekedide ufan mme idiok owo, ke ekpesiode oro efep owo ikpanyañake nnyin!

Ndusuk Jesus ama qfiok ke ini Enye okonyimede ikot emi owo Pharisee okokotde Enye ete edi udia, ete ke idiok añwan oro eyedi ñko. Nnyin imokot ibaña ediwak ini emi Jesus ekesiworqde asaña koro Enye ama qfiok ete ke iyesobo ye owo emi biqñ akpanikq qdõñde: ñwan Samaria ama odu ke mben obube mmqñ, owo emi enyenede mme ndedehe spirit ama onyũ odu ke mme udi; ini ama odu emi ekesiode Philip ke mboho edidemere esie ke Samaria man aka ke akpa-utatan okosobo ye eunuch oro. Jesus esikut esit emi oyomde akpanikq, ndien eyenam ñkpq ekededi emi Enye ekemede ndinam owo enyene nsinsi uwem.

Ke ini ñwan oro ekedide ndikut Jesus, enye ekedi ye erikabare esit. Enye akatatua edi koro enye ama eneñere ofuhq abaña mme idiok-ñkpq emi enye akanamde. “O Abasi, afo usinke edibuño ye edinuaha esit ke ndek” (Psalm 51:17).

Jesus ama ama enye, ukem nte Enye amade idiok owo kiet ekededi emi edide ke iso Esie ye erikabare esit. Enye ikafañake ke ini enye adade mmqñ-eyet eyet ukot Esie onyũ qkwqhore mmq ye idet ibuo esie. Mme Pharisee ema ekpeme mbak mme idiok owo edituk mmq, ñko owo Pharisee emi ama qdõh ete edieke Jesus ekpekedide Eyen Abasi, Enye qkpõfiok ete ke ñwan oro ekedi anam-idiok ndien ikpakayakke enye otuk Enye. Edi Jesus ama qdõh ete ke Imq ikedi ndikot mme idiok owo man ekabare esit, idighe ndinen owo.

#### Aran Idara

Ñwan oro ama ada otu aran alabaster edi ndiyet ke ukot Jesus. Ke ndikubqre otu, enye ekenyene ndiñwaña kpukpru se ikodude ke esit otu oro. Ekedi ido ke eyo Ñwed Abasi oro ndida aran nyet ke ibuo ye ke idem, akpan-akpan ke mme ini usorq ye mme ini idara. Ke ntre emi okowut idara ye idaresit, ndien mme owo ema etre ndinam emi ke ini mfuhq, nte nnyin ikotde ke 2 Samuel 14:2. Mme aran oro ekedi aran olive, emi ekesiwakde ndinam enem utebe onyũ ofuqñ; ndien enye emi mbon inyene ekesinyenede ama qsqñ urua eti-eti. Ke akpanikq emi ekedi ini idara qnq ñwan emi koro ema efem mme idiok-ñkpq esie.

Ke ini Pharisee oro eketiñde ikq adian se ñwan oro akanamde, Jesus ama qdõh enye ete ke enye idighe eti enyene ufok. Ekedi ido ukpono ke ini oro ndinq mme esen owo emi ekade ufok owo mmqñ ye qfõñ ukwqhridem ndiyet ukot mmq. Mmq ekesisine ana-inwañ ikpa ukot, ñko mme usuñ ekedi ntõñ-ntõñ ndien ama esinem mmq ke idem akan ke ini mmq ema ekeyet ukot mmq. Edi Pharisee emi ikõqhõ Jesus baba esisit mmqñ ndiyet ukot Esie. Enye ikonyũ itimke Jesus inua, emi ekedide ido ekqm mmq. Ñwan oro ama anam mme ñkpq emi, eyet ukot Esie, otim mmq inua, onyũ eyet mmq aran, koro enye ekekerede ete imq idotke ndiyet aran ke ibuo Esie.

#### Nyoñ Ke Emem

Jesus ama okut erikabaresit nwan oro onyũ ɔnɔ enye udori awak akan nte enye ekpekenyenede ke ofuri uwem esie ke ererimbot: Enye ama efen ke mme idiɔk-ɱkpɔ esie. Enye akadat esit adaña didie ke ini kpukpru mme idiɔk-ɱkpɔ esie ema ekekpɔn enye, enye ama onyũ ɔtɔnɔ ntak asana! Ndien Jesus ama ɔdɔhɔ enye ɔnyɔn ke emem. Kpukpru ndutime ye unana nduɔk odudu ke esit esie ema ekpɔn enye ke ini Jesus ekefende mme idiɔk-ɱkpɔ esie. Omokut udori emi enye ekenyenede ke edidi ntienne Jesus ye erikabare esit? Ke akpanikɔ Pharisee oro ikɔbɔhɔ baba edidiɔn oto nte enye akanamde ye Jesus.

Ke ini owo ekesibupde Jesus mbume, ediwak ini enye ikesisɔpke ndibɔrɔ edi ama esifiak obup owo oro kpa mbume. Ke ini Pharisee oro ɔkɔdɔhɔde, kpa ke idemesie ete, edieke Jesus ekpedide anditiñ ntiñ-nnim ikɔ enye ɔkpɔfiɔk oruk nwan emi ɔkɔtɔnɔde edɔn ke ukot Esie, ɔbɔn ikafañake Idemesie edi ama etiñ ekpri mbuk ndimen nwan unana ima emi okodude ke esit Simon. Simon ama okut ete ke owo emi ekefende enye ediwak akpana ama okpon akan, edi, edi ɱkpɔ eyighe mme enye ama anam ke idemesie nte ɱke emi ɔkɔdɔhɔde. Enye ikakpaha ndibeñe Jesus efen mme idiɔk-ɱkpɔ esie, ke akpanikɔ, etie nte enye ikekereke ite imɔ idi anam-idiɔk.

### **Ekpono Owo Ubuene**

Jesus amama kpukpru ɱkpɔ emi enamde enɔ Enye. Nso iditibe edieke owo minyeneke ediwak ndinɔ? Nte Jesus edima owo oro esisit? Nnyin imokot ibaña ebe-akpa emi ekedide ke Itie-ukpono Abasi ndisin enɔ esie ke usin-etibe. Mbon inyene ema edu emi ekebemde enye iso ekessin ediwak ibat okuk, edi ikatakke mmɔ koro mmɔ ema enyene awak akan oro. Edi ebe-akpa emi ekenyene okudɔk iba kpɔt, ama onyũ esin mmɔ kpukpru. Jesus ama asiak enye enyiñ ke ikɔ Abasi nte enye emi ɔkɔbɔde edidiɔn. Jesus akanam iyomke ediwak ito nnyin ibe nte nnyin inyenede ndinɔ, edi se akwa utip emi Enye ɔnɔde nnyin ke ini nnyin inɔde Enye ofuri uwem nnyin!

### **Nɔ Jesus Kpukpru**

Ekpri eyen emi ekerede Emma ekedi enye emi ekedade eto usuhɔre itie ufɔk edisin ke ufɔk-nwed Ufɔk Abasi. Enye ama ɔdɔnɔ eti eti, onyũ ekpere ndikpa. Ete ye eka esie ekedi ata ubuene. Ke ini ekekpɔnde enye ndidu ikpɔn ye eka-eka esie, enye ama ɔdɔhɔ ete, “Nne men ɱkpɔ usin okuk mi sɔk mi.” Ema emen ekpri ɱkpɔ usin okuk esie esɔk enye, ndien enye ama abat okut esie, cent aba ye itiaita, onyũ ɔdɔhɔ ete, “Nne, emi edi okuk mmi emi ɱkotimde nnim nɔ Jesus, ndida nɔ ufɔk nwed ufɔk Abasi. Edima Nne kut ete Jesus ɔbɔ mmɔ kpukpru!” Ekpri eyen anwan oro ama ɔbɔ utip ukem ye mmɔ emi ekenɔde kpukpru, ke ini enye ama akaka ndidu ye Jesus. Enye ama ama Jesus eti-eti tutu enye oyom Jesus ɔbɔ kpukpru ɱkpɔ emi enye ekekemedede ndinɔ.

Jesus ke oyoyom ima oro ke esit nditɔ Esie emi midimumke mme ɱkpɔ ererimbot emi isɔn ubɔk. Ata eyen Abasi ke onim inyene esie ke Heaven, ebiet emi enye midibiarake. “Ndien kpukpru owo edat esit, koro mmɔ etatde ubɔk: koro mmɔ etatde ubɔk enɔ Jehovah ke ofuri esit.” (1 Chronicles 29:9).

### **MME MBUME**

- 1 Nte mme Pharisee ema ema Jesus? Mmɔ ekesiwak ndinam didie ye Enye?
- 2 Nte Jesus ama ama nwan oro akanamde idiɔk-ɱkpɔ? Nte Enye, ama kpukpru mme idiɔk owo? Nnyin inam didie ifiɔk?
- 3 Ndo ikedi ɱke emi Jesus ekekede ɔnɔ Simon?
- 4 ɱkpɔ ifañ ke Jesus oyom nnyin inɔ Enye?